



ბირთვული და რადიაციული
უსაფრთხოების სააგენტო



ბირთვული და რადიაციული უსაფრთხოების სააგენტო

ბირთვული და რადიაციული უსაფრთხოების სააგენტო, თავისი რეგულირებისა და კონტროლის გზით უზრუნველყოფს, როგორც მოსახლეობის, ასევე გარემოს დაცვას რადიაციის მავნე ზემოქმედებისგან. ბირთვული და რადიაციული უსაფრთხოების სფეროში ქვეყანაში მოქმედებს საერთაშორისო სტანდარტების გათვალისწინებით შემუშავებული კანონმდებლობა.

ბირთვული და რადიაციული უსაფრთხოების სააგენტო

2020 წელს, ბირთვული და რადიაციული უსაფრთხოების სააგენტომ და ატომური ენერგიის საერთაშორისო სააგენტომ ხელი მოაწერეს საქართველოს ჩარჩო პროგრამას 2020-2025 წლებისთვის. ჩარჩო პროგრამა წარმოადგენს სახელმწიფოს აესს-თან თანამშრომლობის ღონისძიებების საშუალო ვადიანი პერსპექტივით დაგეგმვისა და განხორციელების საფუძველს, სადაც იდენტიფიცირებულია სახელმწიფოს ის პრიორიტეტული მიმართულებები, რომელთა მხარდასაჭერად საქართველო მიიღებს, დაახლოებით, 10 მლნ ევროს ღირებულების ბირთვულ ტექნოლოგიებს და ტექნიკური თანამშრომლობის სხვა რესურსებს.

2020 წელს, ბირთვული და რადიაციული უსაფრთხოების სააგენტომ, ევროკავშირის მიერ მხარდაჭერილი უკრაინის სამეცნიერო-ტექნიკური ცენტრის პროექტის ფარგლებში, მიიღო 1 000 000 ევროს ღირებულების მობილური ლაბორატორია, რომლის გამოყენება შესაძლებელი იქნება გარემოს რადიაციული მონიტორინგის ჩასატარებლად.

2020 წელს, შეიქმნა ბირთვული და რადიოლოგიური საგანგებო სიტუაციების რეაგირების ცენტრი, რომელიც უზრუნველყოფს ბირთვულ და რადიოლოგიურ საგანგებო სიტუაციებზე სწრაფი გადაწყვეტილებების მიღებას და ეფექტიანი შესაბამისი ღონისძიებების განხორციელებას, ზიანის თავიდან აცილების ან/და შემცირების მიზნით.

2020 წელს, რადიოაქტიური ნარჩენების საცავის მიმდებარე ტერიტორიაზე მოეწყო სპეციალური სივრცე რადიოაქტიური წყაროების თანამედროვე სტანდარტების კონტეინერებში განსათავსებლად, უსაფრთხოების ზომების გაზდის მიზნით.

2020 წლის სექტემბერში, სააგენტოს სპეციალისტებმა, სოფელი ანასეულის ჩაისა და სუბტროპიკულ მცენარეთა კვლევების ყოფილი ინსტიტუტის რადიაციულად დაბინძურებული ტერიტორიის პირველადი რემედიაცია. ამ ღონისძიების განხორციელების საფუძველზე ადგილობრივი მოსახლეობისთვის უსაფრთხო გახდა აღნიშნულ ტერიტორიაზე გადაადგილება.

ლიცენზირებული ორგანიზაციების მონიტორინგის ფარგლებში, 2020 წელს ჩატარდა 62 ინსპექცია. შემოწმდა 96 სამედიცინო დაწესებულება. გამოვლენილ დარღვევებზე, კანონით გათვალისწინებული შესაბამისი სანქციის დავისრებასთან ერთად, გაიცა შესაბამისი რეკომენდაციები.

სააგენტოს სპეციალისტების მიერ განხორციელდა ქ. თბილისის მეტროპოლიტენის გვირაბების, სადგურებისა და დამხმარე ფართების რადიოლოგიური მონიტორინგი, რის შედეგადაც დადგინდა, რომ მეტროპოლიტენის ტერიტორიაზე რადიაციული ფონი უსაფრთხოა მოსახლეობისთვის.

ბირთვული და რადიაციული უსაფრთხოების სააგენტო, საპატრულო პოლიციასთან და სხვა კომპეტენტურ უწყებებთან ერთად, ჩართულია საზღვარზე ბირთვული და რადიაციული უსაფრთხოების დაცვის კონტროლში.

2020 წელს, პრევენციული ღონისძიების სახით, სააგენტომ შეიმუშავა ბუკლეტები ბირთვული და რადიაციული უსაფრთხოების სფეროში სხვადასხვა მიმართულებით, რომლებიც განკუთვნილია მოსახლეობისათვის და ასევე იმ ორგანიზაციებისა და უწყებისთვის, რომელთა საქმიანობა დაკავშირებულია ბირთვულ მასალებთან ან/და რადიოაქტიურ წყაროებთან.

უნდა აღინიშნოს, რომ დღეისათვის, ქვეყანაში რადიაციული უსაფრთხოების კუთხით, მოსახლეობა სრულად დაცულია.